



Pou Piblikasyon Imedya: 31/05/2022

GOUVÈNÈ KATHY HOCHUL

GOUVÈNÈ HOCHUL ANONSE REKÒ RESÈT FISKAL REKÒ ETA NEW YORK SOU PARI ESPÒTIF YO

Apre sèlman 5 mwa pari espòtif mobil, New York te kolekte 267 milyon dola nan resèt fiskal - plis pase nenpòt lòt eta

Resèt fiskal la te reyenvesti nan edikasyon, sibvansyon pou pwogramasyon espò pou jèn ak sèvis prevansyon, tretman ak rekiperasyon pou pwoblèm jwèt aza

Gouvènè Kathy Hochul te anonse jodi a ke pari espòtif mobil ki te fèk lanse nan New York la te jenere yon montan resèt fiskal ki bat rekò nan mwens pase sis mwa, sa ki depase eta yo ki te ofri pari espòtif pandan plizyè ane. Dapre [done Eta New York yo](#), eta a te jenere plis pase 267 milyon dola apati pari espòtif depi janvye 2022. Pari espòtif mobil yo konte pou 263 milyon dola depi 8 janvye epi pari espòtif nan kat kazino komèsyal New York yo te akimile 4.3 milyon dola nan resèt total depi jiyè 2019. Dapre [rapò yo](#), New York te kolekte plis nan resèt pari espòtif nan sek mwa pase revni total nenpòt lòt eta te jenere pandan plizyè ane. Sa gen ladan Pennsylvania, ki te kolekte 253 milyon dola nan resèt sou pari espòtif depi novanm 2018, ak New Jersey, ki te jenere 229 milyon dola depi jen 2018.

"Nan mwens pase mwatye yon ane, New York te tounen lidè pamti yo nan aplike règleman sou jwèt ki reyisi, kote plizyè santèn milyon dola prale nan pwogram enpòtan ki pral amelyore lavi tout Nouyòkè", **Gouvènè Hochul te deklare**. "Mwen angaje pou m kenbe règleman jwèt responsab ak efikas ki pral pèmèt endistri a avanse ak kontinye estimile kwasans ekonomik nan eta nou an".

Direktè Egzekitif Komisyón Jwèt Eta New York la, Robert Williams, te deklare, "Nimewo sa yo pwouve tou ke endistri jwèt Eta New York la solid gras ak aplikasyon règleman sou jwèt ki efikas ak aksyon operatè pari espòtif ki responsab. Rezulta yo — plizyè santèn milyon dola kòm resèt nan mwens pase sis mwa operasyon — pale pou tèt yo".

Avèk aparision pri espòtif mobil yo, Komisyón Jwèt Eta New York la, patnè li yo nan [Patenarya pou Jwèt ki Responsab](#), ak espas jwèt yo te angaje nan evènman pwo-aktif, enfòmatif ak sansibilizasyon pou ankourage jwèt aza ki responsab.

Komisè Biwo Sèvis ak Sipò pou Depandans Eta New York la, Chinazo

Cunningham, te deklare, "OASAS pare avèk sèvis ak sipò pou Nouyòkè yo ki gen difikilte ak jwèt aza. Resèt anplis ki soti nan paryaj espòtif mobil yo pral pèmèt OASAS amelyore plis sèvis prevansyon, tretman, rekiperasyon ak rediksyon domaj pou moun oswa manm fanmi ki sibi domaj akòz jwèt aza".

Resèt fiskal pari espòtif mobil New York la pral reyenvesti nan edikasyon elementè ak segondè, sibvansyon pou pwogramasyon espò pou jèn, ansanm ak prevansyon, sèvis tretman ak rekiperasyon pou je aza. Anplis de sa, eta a te kolekte 25 milyon dola nan frè lisans apati uit founisè platfòm pari espòtif mobil, ki bay an total 200 milyon dola anplis pou eta a. Tout resèt sou frè lisans yo te deja ale nan edikasyon.

Senatè Eta Joseph P. Addabbo Jr., Prezidan Komite sou Kous, Jwèt Aza ak Pari nan Sena a, te deklare, "Nouyòkè yo te pwouve ke nou te pare pou paryaj espòtif, sa gen ladan aspè mobil li, epi nou pa machin ki an pàn, ki gen wou bwate ankò ki nan vwa adwat la k ap gade lòt eta yo k ap double nou, men kounye nou se machin espòtif briyan, akselere nan vwa agòch la k ap double tout lòt moun. Lefèt nou gentan depase tout lòt eta yo nan resèt nan mwens pase sis mwa se yon prèv kalite travay devwe pou founi yon pwodui fyab pou rezidan New York yo. Montan resèt fiskal rekò sa deja kòmanse envesti nan lekòl nou yo, pwogram espò pou jèn nou yo ak sèvis sou pwoblèm jwèt aza New York yo. Mwen pa ka tann pou m wè yon avni ki pi briyan pou paryaj espòtif, travay pou reyalize ankò plis finansman ak travay pou eta nou an atravè jwèt".

Manm Asanble Gary Pretlow, Prezidan Komite sou Kous ak Pari, te deklare, "Nan mwa mas la mwen te di konsa, 'Nou sou bon wout pou vin kapital paryaj espòtif nan mond lan'. Paryaj espò mobil se yon motè ekonomik pou New York. Mwen kontan resèt ki te jenere pou edikasyon, espò pou jèn ak pwoblèm jwèt aza yo".

Dapre GeoComply, yon antrepriz lojisyèl pari espòtif yo itilize pou asire egzijans jewolokalizasyon yo, plis pase 2.7 milyon kont jwè inik te kreye depi janvye, sa ki mennen nan plis pase 620 milyon tranzaksyon.

Pou Ane Fiskal 2023 ak chak ane apre, resèt yo ki soti nan pari espòtif mobil pral distribiye konsa: 5 milyon dola pou finanse pwogram espò yo pou jèn defavorize yo, 6 milyon dola pou finanse edikasyon ak tretman pou pwoblèm jwèt aza ak rès majorite a pou ede nan edikasyon.

Chak vandredi, Komisyon Jwèt Eta New York la bibliye rapò pari espòtif mobil chak semèn sou entènèt.

Règleman komisyon an egzije operatè yo pou anpeche jwèt aza pou moun ki minè, bay moun k ap parye yo disponiblite pou enpoze limit sou depans, epi bay enfòmasyon sou risk ki asosye ak jwèt aza ak siy pwoblèm jwèt aza. Nouyòkè yo ki gen difikilte avèk pwoblèm jwèt aza yo oswa ki konnen yon moun ki genyen pwoblèm nan jwèt aza, ka rele liy telefòn gratis ak konfidansyèl Eta a, HOPEline nan 1-877-8-HOPENY (1-877-

846-7369) oswa lè yo voye mesaj tèks bay HOPENY (467369). Nouyòkè yo ka kontakte tou Sant Resous Rejyonal sou Pwoblèm Jwèt Aza nan:

<https://nyproblemgamblinghelp.org/>

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418